

諸天靈書度命妙經義疏

收五

蓋諸天靈書度命妙經所以次度人者夫羣品滋多與乎妄想大度之始起自本無妄想雲披慧日便朗故乃神凝境智五國之化今成識照玄通十方之士圓淨是以青林振響金隴揚光南冶鍊音寒庭沐德法界同顯靈書之照明焉故曰諸天靈書元始天尊精靈智慧以成文字普植羣聖天之神靈是為度命妙經命者定也羣生之命定有三種一者見在事命二者過去業命三者道命其事業二命覆障道命不得顯耳故使習諸天靈書以度其事業二命今歸道命事命者眼有見色事鼻有聞香鼻事耳有聞聲事舌有知甘苦事六根各有定事不可得玄用故曰事命也業命者前生習學今生聰明前生不學問今生愚癡前生若多瞋今生必醜陋報應一切形相長短大小皆由前業作以定今生不能改得故曰業命此事業二命皆是虛妄矣遂故覆障其真性道命事業既是虛妄

即可除遣若習學諸靈書即植神靈照明妄想自盡如明燈照闇還將闇作明今靈慧明還將事業作道常道之命本定未曾改也妙經其事業命度成靈妙故曰度命妙經也就此卷大開為三第一章序經法緣起問繫動邪常顯極樂之為本有第二元始於長樂正經顯五土化方明本色二法第三最後一章述經旨以示流通就序為三第一序法王重出之由第二顯福報之相第三明大眾親承受悟

元始天尊時者闕皇時也於大福堂國即道君治所住國都長樂舍也與諸天大聖眾說此元始天尊與本身極果諸天大聖眾同時遊此因吐靈書以授道君大福堂國已合教於道君昔教業命長樂之舍出邪常邪常各三經一者係身不老之常二者執教生解係我歡樂之常三者生在福堂國無有破壞之常皆不知本始由來亦不知餘勢應極且坐福果之中故為天尊常也今元始發二種繫動

之問以招道君自述所見之答實其邪常之不知始終於是元始含笑五色光從口中出下即吐出今教靈書真文慧光勢力照滅一切邪常之妄福果相皆盡故道君問元始答示此是真文勢如杖撥輪乃知復有極靈以至無常昔日勢之振響深被十方故使此土男女知文不知他土即昔教於今為未來不至所以為他土元始今與諸天大聖說靈書十部妙經以付道君及度十方天人此時道君及眾莫不欣慶

元始天尊於長樂舍中下有四章即正經文為二
 第一明五土化方生起福物之利以入常
 第二天尊告太上道君龍漢之下明神通轉化度命本旨以因真常就此文為三
 第一列五方始終起化生長後福故有淨穢苦樂之殊
 第二告道君五老一章明五老化十方與元始同根故結隆聖旨故令大眾尊奉
 第三天尊成就五方章釋力用示神通火聚

明終始可依七方例為三

第一舉今日真常之教故列童真之衆以至邪常帝君國土

第二元始告下發繫動之間去其執音教為邪妄樂覆出見相以指自顯所見之答

第三不知不審下明動心到請故元始答示此相是音教有餘勢計者為邪故有吾過去後無常顯今教常帝君欽受始於此土者即中土中土心也心淨則眼耳鼻舌淨故始教於中方成四天下

元始天專於長樂舍中此下有四章正明元始為化母成就中方道君乘元始化道君之總攝十方竟今命顯其大意廣周諸方故畧顯四方餘可知也此四章例有三意一者皆列國成就妙極之相及同業共行之儔遊其國見變世相繫動邪常令其生疑故有二種河漢之間一問學仙不二問有何奇方便其自述所證之果不知是邪常乃述所見所證以簡元始二者元始天專告蒼帝下即答示本始因緣元始於昔時過去龍漢之年我

曾於此土出靈書真文度人其餘勢故有事相俱在吾過去後即示福報之勢應有極時

今其進修以度命改變邪常也三者帝君及大衆領解奉行故云蒼帝稽首伏受命旨一座衆聖莫不喜歡此中諸章文有起伏三章

一種相似而有所證之果事相奇異耳或有青林紫宇或有赤實白環或寒池靈澤此皆真文餘勢所成耳證之則為邪常於長樂舍中說靈寶真文出法度人始於此土此時慈力化力所攝徧動十方元極世界至真大聖

飛天神王妙行真人一時同會及元極世界諸惡道羣生亦同會故下文云四方邊道令大地皆變以為融金灌地邊道成碧玉瑤瑤寶飾此示變無常以顯常法性不並真聖賢無異道故所關津不一實契實同也初於係常之中以說無常之教後示變土無常以顯常初於係常即諸帝君所證見不若及諸奇相與歡樂等是也示非常教即見真文在光中是也示變土即融金灌地是也出真文體在後四偈誦文是合前中土為五文

元始天專告太上道君此結釋傳度衆聖靈寶真文出法傳度皆是聖聖相承因緣不絕

今書錄出天專靈智為靈寶真文以付道君今道君付與五老帝君今各受一通安養鎮化五方羣生今不遭憂苦不履八難唯有眾

妙之音劫劫相值真文不絕也乘勢以傷邊土四方福德所不逮不見真文不聞法音任命生死墮諸惡根甚可哀傷此顯惡業以勸作故云當重為廣開法教音度諸天使是雜國咸得歸心也下文乘勢以傷無緣薄福者

不得須開故文云他國異域福德不逮不見經教自履惡道也天專成就五方國土此章結釋真文非但成就五方乃俱度十方一切人皆受明教也此章從初至終莫不踴躍釋教教得益云此得度世壽命長遠也從是時男女咸歸命天專下正明處係常之中演非常教故有大精自鍊是也元始天專告太上道君龍漢章正經為二今是第二此文為四第一章示羣生本有言述為邪常說無常示

權教取其得益故云長遠

第二出遊見章示寂滅神通為實慧各獻寶以顯常後舉不受漆緣亦得

第三歷觀章簡權實二後有常無常優劣第四列四方度命入真常偈誦此明元始示

道君靈寶難聞元始告龍漢此中至開皇時靈寶文始開通云云從龍漢之時下次第說

五劫因緣生成終始之由亦出天尊隨時名號及人物所起今此龍漢之時是前龍漢是

成劫延康是環劫龍漢之時是前龍漢龍漢元年是後龍漢前龍漢環文云我過去後天

地破壞為風澤洞虛號曰延康是大劫延長也康泰也長泰中對五劫後龍漢成今文不

出直出逮至赤明開皇事經五劫五劫者有前龍漢次延康後龍漢次赤明次開皇即五

也開皇中又有上皇上皇是道君行化為教主對太極諸真說

元始天尊為化主對道君出法此文中前龍漢元始出號無形常存始有天地日月三象

有男女無禮典我以道化喻未出真文吾過

去後壞為延康後龍漢成逮至赤明天地復位人民備足即乘前龍漢業也我又出世號

無名之君以靈寶法教化度諸天人亦未出真文其時男女乘前業身之好慕承奉吾過

去後天地復壞幽幽冥冥即後延康三炁混沈大風所吹羣生魂爽乘運而上上界上界

有風輪遮之逮至開皇又出世號元始天尊始出靈寶真文煥明日月星宿四

時五行始得成生我於始青天中號元始天尊始生真文開張法教成就諸天及

道君為諸天出赤書真文并諸天靈書也以此而推故知諸天人至開皇時值真文因

緣來久遠始得聞之男女純朴結繩而行者此由乘前劫之業故值流演法音羣生自然

歸心漸入法門也是時元始天尊此章示無常以顯常故有天尊分

形百萬處處同時是開皇說法之時也說法既竟時將欲未來羣生依教作解習以為常

故元始天尊遊於西河弱水吐五色之光普照

諸天及四方邊土普見光明至如俱一地示寂滅之相以破執教信解之迷申言下之旨

故有分形百萬處處同時此化身也法身化身不出書生身由書度人亦名真應二身說

法出書成經度人法身亦或號無形常存化身或號元始生身色身或號元始五老或號

太上道君此四種名稱一切身靈徒有億萬種終不出四男是女普見

元始天尊與己身如俱一地此則神力不共也若共應有兩法可言共不得言俱一地今

一地即不共也故言隨所在處長幼男女皆往稽首天尊隨其國土口吐靈寶五篇真文

此即與天尊同靈寶之語故不共也光彰煥爛下廣說傳教事相丹書鐵券齋金銀等滿

一國中於天尊所伏受法誠妙經也天尊一時布施財法兩施靡不周備也始入法門皆

得壽三萬六千年也至上皇元年即開皇中半劫也此即執跡來久於微輕慢生過不自

覺知或殺生淫祀色欲放蕩自嬰惡道諸苦備履此即當今時也此即顯過示之令知過

故

宜改故文云今說是經為諸米生以度可度
誠今有心者諦受故道君受命也

元始天尊言我歷觀諸天此章結述靈寶真
文最尊最貴勸後須尊重也文列我歷觀諸
天從億劫以來至于今日有上天得道高聖

大神及无量無邊但是得道之者莫不從靈
寶真文而得成也次觀南陵朱宮下廣說從
靈寶人得益故云斯經專妙度人无量也從

大劫交周下簡出衆經為大失所滅唯此經
獨存凡是諸雜法下歷列出隨災所沒之經

名所沒之經無復遺餘至玉清上道下列出
不沒之經名并示所運處所是大羅也至士

長修下樂上歎美之勢勸修得益世世不絕
與善因緣也重題靈書正體有一品四章為

諸天及諸真人皆所稟受歌誦和形魂神性
靈而度其命也四章章各有三章一標述靈

書所起度命之由二列靈書偈誦三長行結
述章偈所封所賞衛之人及誦之得益七祖

諸天靈華吐靈風西宮和琅音元始於東華
宮中吐說出神靈之風教即有西宮真人聽

受悟解故合和成琅琅玉音之響也若無緣
教相對受琅琅玉音則不生今師第二家對

受故云二炁結空洞太虛中生心二炁慧解
結空洞中成音而生弟子太虛身中慧悟之

心得靈書故出長條以披教為教故成寶文
翠碧之林也鳳歌通天響元始吐靈風非但

西宮和亦乃神風歌靈章之響通徧於天下
合六時而應八節吟歌而通正性也上有度

命童靈寶文上有度命之靈童拔出重昏之
夜朗靈照而滅長陰萬劫保形用保其形而

為道用用為道形道形長久故曰渺渺莫能
尋也長錄不死年錄名也形名俱全不死渺

渺長久不死年也乃與劫運同浮沉也日月
照靈魂靈魂同日月之照無有明冥常照然

如璇璣迴東南而不輟絕也神照如日衆星
落其形影故言九星落形影也九是趣舉耳

何定指北斗九星衆星皆落也寶華生五心
靈寶文字是寶華自然生人五心五心謂金

木水火土不相剋同一真性也自有不凋神
與我契丹金神我契合真道丹顯如金剛之

堅而不壞也赤書檢精系玉訣妙自深靈書
文字玉章赤書玉訣了然檢攝人精氣自至

於妙道此日就朱宮有錄籍魔神莫能侵也
絳雲翠玉虛靈風拂太微此元始出南方靈

書真文玉虛是天尊號絳雲成字翠麗出於
玉虛之口以為靈神風教鼓扇拂於太微之

響而得達連六炁除渺渺吐出智慧之輝照
也羣生乘我慧日中之光景振鬱乘順之而

迴入天理故曰順天迴也自有神慧乘童照
拔靈夜之闇洞陽之照鍊落輝明也輝明成

玉章有勢力能度人年命故歌誦靈章能生
人神慧即靈歌五神闢也靈神闢悟自得長

魂無復絕與光景合光一念入九圍九圍元
始九天之宮圍也魂入九圍遂得億劫赴遐

遠之期乃有無期之壽命也故云華命不凋
衰也飛天披重關元始命飛天神人披說重

玄之關南宮真人明見幽闇成智機而朗於
也智機朗發即朱陵之宮定其度命是名顯

然故云絳籍也籍之名以定乃神備形自飛
也福流七祖故云七祖上生天福德高巍巍

也輪轉空洞魂轉靈書之法輪化攝空洞中
 魂神故能出我九玄闡扉也袖乘之開悟故
 云夜景披朝陽如晨朝之陽顯飄飄乘靈智
 運轉而歸長命之道也岷臺生琅音此元始
 於西方岷臺之中吐出靈書以成音有琅琅
 玉音響乃有玉淨之炁逸過朗於九冥之闡
 消也而有寶章洞滿太虛之道躡真色而入
 無形也錦雲翠朱日靈書法雲智起如錦雲
 翠麗曜於朱日亦名圓華逐月生長光明也
 乃混合自然炁悉連連而得九方遐遠皆清
 淳也清淳人六慧純淨而成梵行五神自招
 於高靈也絳宅宅安也五王神安住絳宅明
 耀成於朱童能長能久萬劫不凋零也常存
 好生君即岷臺中化主號常存好生君與太
 一君合共與人皇寧之命籍故言保命度符
 籍鍊魂金華之帝庭也命在金華之庭自歸
 不死之炁魂神飄飄乘法智之運生慧才也
 七玄皆得入好生之南宮朽骸更得鮮潔之
 榮華也長歌樂於身相坐於浮雲窈窕任順
 遊戲乘浮雲之綠駟車逍遙遊道大羅之外

三界之大魔莫能輕犯之也飛步入北清能
 乘北方五炁玄天之靈書遂得度命步入北
 清之觀也把真宗而自招受於上元之炁慧
 乘此光景以瞻望於玄道之臺四面之宮自
 生錦雲之駟駟也宮中自有採長生度命之
 靈童號太一上帝君在宮中出法召攝十方
 衆聖皆集迴舉經蓋羽衣滿空界何紛紛也
 十方皆長執度九幽之籍注上金錄赤書之
 文乃把播以繞金華之宮庭名飄飄度命播
 也又舉綠蓋乘風迴而有丹霄法雲之炁拂
 舉正慧之靈鍊為我造上元之宮拔我命錄
 以出九夜之門度我命書於南宮朱陵之闡
 壽得長保德劫椿也留神住於榮華之絳府
 赤子之官明照於三關五藏皆自明淨故形
 受不死炁自然生寶魂也遂得福流七祖度
 南宮世生福慶門此度三代之命也
 元始天尊言右四章此一章結述一品四章
 乃用是諸天諸真聖所受悟為流通諸天上
 聖真人玉女下述歌誦信受得益來生男女
 心與運迴此下述於經疑貳之人放恣妄為

嫉妬勝已乃有萬惡自至也吾過去後自入
 塗炭五道此以下願得亦是今知過宜改故
 受命去矣

諸天靈書度命妙經義疏

次五

十二